



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvator Lib. Sententiarvm M. Petri Lombardi

Spina, Claudius de

Parisiis, 1551

22. de multiplici nominum ac prædicationum differentia in diuinis.

urn:nbn:de:hbz:466:1-38840

quia hi tres vnum sunt: sicut in Apoc. legi- 1. Jo. 5.
tur de Filio, quod habet nomen scriptum, Ca. 19
quod nemo sit nisi ipse. Non enim inde sepa-
ratur Pater aut Spiritus sanctus. Et cum di-
D. Tho. 1. citur, Nemo nouit Patrem nisi Filius, nō in-
9 31. artic. de separantur alij. Aliquando & nominan- Ioh. 17
3. C. 4. tur Pater & Filius, & tacetur Spir. sanctus:
vt Veritas ad Patrē ait, Vt cognoscant te so-
lum Deum. & quē misisti Iesum Christum.
Cur (ait Aug.) tacuit de Spir. sancto? Quia
cōsequens est vt vbiq̄ue nominatur vnus,
reliqui intelligantur.

DE MVLTIPlici NOMI-
num ac prædicationū differentia in diuinis.

DISTINCT. 22. CAP. Primum.

*Sextuplicia sunt Nomina quæ Deo tribuuntur
secundum substantiam.*

DEinde demonstrandū quibus modis de
ineffabili illa Trinitate ac vnitae ali-
quid dicatur. Illud ergo præcipuè te-
neamus quædā esse nomina ad singulas per-
sonas distinctè pertinentia (vt ait Aug. lib. 9.
de Tri.) quæ de singulis tantū dicuntur per-
sonis. Quædā verò essentiæ vnitæ signifi-
cantia, quæ & de singulis sigillatim, & de o-
mnibus cōmuniter dicuntur. Quædā trāsfla-
tiuè & per similitudinē de Deo dicuntur. Prō-
prietatis itaq; indicia sunt (ait Amb. lib. 2. de
Tri.) generatio, Filius, Verbū: Vnitatis verò

3 æternæ, Sapiencia, Virtus, Veritas, &c. Simi-
 4. litudinis verò, Splendor, Character, Speculū, &
 huiusmodi. Quædā insup que ex tēpore deo
 cōueniunt, & relatiuè ad creaturam dicun-
 tur (vt ait Aug. lib. 5. de Tri.) quorū quædā /
 dicuntur de omnibus personis, vt Dominus,
 Creator, Refugiū: Quædā autē nō de oībus
 vt donatus, dat⁹, missus. Præterea vnū nomē 2
 est, quod de nulla Persona sigillatim dicitur,
 sed de omnibus simul, scil. Trinitas, quod nō
 dicitur secundū substantiā, sed quasi colle-
 ctiuum pluralitatē designat personarū. Sunt
 etiā quædā nomina quæ ex tēpore de Deo
 dicuntur, sed non relatiuè, vt Humanatus,
 Incarnatus, & huiusmodi. Ecce sex nominū
 differentias assignauimus, quibus vtimur lo-
 quentes de Deo, & de quibus agendum est.
 C A P . secundum. Prædicta nomina non eodem
 modo de Deo, & de personis dicuntur.

Illa quæ ppriè ad singulas psonas ptiēt,
 relatiuè adinuicē dicuntur: sicut Pat. & Fi- Regula
 lius, & vtriusque donū Spir, sanctus. Ideo prima.
 substantialiter non dicuntur, vt dicit Augu.

Cap. I. lib. 5. de Trinit. sed relatiuè.

Ea verò quæ vnitatē essentiæ significāt, & Regula
 ad se dicuntur, substantialiter vtique dicun- secunda.
 tur & de omnibus communiter, & de singu-
 lis sigillatim dicuntur personis, & singulari-
 ter & non pluraliter accipiuntur in sum-
 ma, vt Deus bonus, potens, magnus, &c.

f. 18. a.

Io. 1.
 Ca. 19
 ob. 17

Non tamen magnus est, aut potens, aut alia
magnitudine, potentia, aut bonitate, quæ
non sit ipse Deus: alioqui maior esset ma-
gnitudo quàm ipse Deus.

DE HOC NOMINE

Persona.

DISTINCT. Vigesima tertie
CAP. Primum

Persona est nomen substantiæ.

Est tamen vnum nomē substantiæ, Per-
sona, quod secundum substantiam di-
citur de singulis personis, & pluraliter
non singulariter in summa accipitur. Dici-
mus enim, Pater est persona, Filius est perso-
na, Spiritus sanctus est persona: Nec tamen
dicitur, Pater, Filius, & Spiritus sanctus sunt
vna persona, sicut dicuntur vna substantia: sed
tres Personæ. Hoc ergo nomen excipitur à
prædicta regula nominum, quæ secundum
substantiam de Deo dicuntur, quæ dicun-
tur singulariter & non pluraliter de omni-
bus personis in summa.

Quod autem Persona secundum substan-
tiam dicatur Aug. ostendit lib. 1. de Trinit.
dicens: Non est aliud Deo esse, aliud Perso-
nam esse, sed omnino idem. Item: In hac Tri-
nitate cum dicimus Personam Patris, non
aliud dicimus quàm substantiam Patris.